

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM. DIE IOVIS XVIII. MARTII.

M. BARTHOLOMÆO BARALIS, Doctore Medico Regio, Præside.

An Carnes Piscibus salubres?

1040

QVONIAM eâ conditione natus est homo, vt terrenâ quâ constât substantiæ iacturam perpetuò faciat, natiuque succi numquam non decedat aliquid; ne vires corpusque amitteret, necesse fuit iugem hanc ruinam implere, & absque his multi tenuem vitreamque valetudinem frugalitate ac diligentia tueantur. Quemadmodum autem dextrò illorum vsu fuleitur corpus, ita prauo eueritur; ac tum quæ famis, sitis, ipsiusque adeo mortis remedia erant, alio ipsa indigent remedio. Quò igitur fons omnis veræ voluptatis sanitas, ex quatuor omnia gignentium corporum bellè inter se congruentium temperatione profecta, diutius perseueret vel à prima ætate firmum eius retinendæ iaciendum est fundamentum: neque enim tam ingenerantur mores à stirpe generis & seminis, quàm ex his quibus alimur. Propterea cautè videndum, ne ex libidine, sed ex ratione viuamus. Quotus quisque verò est qui hac duce & moderatrice in alimentorum vsu delectuque sic modum tenet, vt non pessimo victus genere sanitati sæpè decoxerit. Equidem fruges, fructus, baccas, pecudes, & tantam rerum quæ gignuntur vbertatem ad hominum commoditates natura consultò largita est; sed ita, ne temerè liguriant omnia, nec tam eorum vsu sint, quàm temperanti læti.

NVLLA res ad alendum accommodata est, quæ vitæ caruerit: viuentium verò genera tria sunt, ex quibus in vniuersum peti possunt cibaria; plantæ, animalia, & ex quo horum vtrumque sit, semen: ob hocque fructus; vt porrò magna sit ciborum ex specie diuersitas, eorum tamen ex viribus æstimatorum longè plura sunt discrimina, non in speciebus tantummodò, sed in singulis quoque: quod ætate sit, & membro, & cælo, & solo, & habitu. Reuerà quidquid vinci & in corporis nostri substantiam verti potest, alimenti nomine continetur: at non statim quidquid in hoc censu est, esse oportet promiscuè. Est quod cibo fugaci sat bellè reficitur corpus, est quod non nisi valentissimo sustineatur: in cibis mali succi vis ad morbum maxima, ex imbecillioribus vita breuior, quò majus quodque animal, eò constantior ex eo cibus, quin etsi paribus paria referas, quæ ex animantibus præstantiorem degunt vitam salubrius nobis suppeditant alimentum. Quare in tanta varietate refert scire quodnam requiratur humana fragilitas. Conuenientissimum his ex notis intelliges, quòd & modum substantiæ commo- dum nactum sit, non rebellem, & plurimum habet utilis succi, minimum inutilis: & hominis temperamento simile, feruet mediocritatem in calore & humiditate: neque verò hanc aut solius materiæ, aut temperiei putes esse similitudinem: sed vel formæ, vel horum omnium, vel breuius totius substantiæ: alit nos lactuca, alit vinum, neutrum tamen eandem nobiscum temperiem obtinet. Id ergo duntaxat amicum & familiare censeo, quòd acceptà quadam mutatione, facillè in corporis nostri substantiam abit, eiusque molem auget, quòd spiritum quemdam vitæ, calorémque in se continet benignum & consociale: cuius appulsu partes omnes corporis, nullâ inductâ qualitate alienâ, fouentur & sustentantur.

PISCIVM genus omne, tam ab humanâ, idest ab optimâ recedit temperie, vt non mirum sit iis olim cùm in sacrificiis quibus meliora quæque deligebantur, tum Sacerdotibus Aegyptiis, ne eorum mentes tetri alimenti vlgine obnubilarentur, fuisse interdictum, omninoque salutare videatur illud Sapientis dictum, *ἰχθυὶν μὴ γέσσεαι*. Quando enim nec communem velut cæteræ animantes nobiscum regionem habent, nec eum ferre possunt quem ducimus & quo viuimus ærem, ex ipsâque, & in ipsâ seu fluuiorum, seu maris (quam nullus homo impunè poterit) aquâ à naturâ nostrâ alienissimâ creati sunt, ferèque pessimo pabulo nutriuntur pisces, siue *ἰχθυὶς* imi inter sanguinea ordinis, siue *ἀναιμοὶς*, minus profectò idonei sunt, qui cum nostro sanguine & spiritu misceantur. Hoc nisi sat tibi persuaderet ratio, adhibe in consilium sensus; illos intueri, mucro vndique oblitos dixeris: eosdem si olfeceris, quæ fuga, quæ narium obturatio, quæ execratio; quid ad eorum molestum odorem putoremque conferas? Tactu etiam quàm molles sint, quàm nihil habeant solidi; gustu denique, quàm fatui sint, deprehendes. Planè vt radices quia in terram infixæ numquam perfiantur, superuacaneâ humiditate circumfluunt: sic pisces eius in quo versantur elementi impensius frigidi & humidi naturam induant, necesse est. Possunt quidem missionis lenocinio ita palato commendari, vt iis arideant quibus placitum potius est profuturo; at numquam emendari, vt ne plurimum noceant, inimicalque exuant qualitates: imò culinario quouis mangonio deteriores fiunt: quacumque arte paraueris, pestiferum est quod comedis: non si aromatis (peregrinitate & pretio magis, quàm utilitate æstimatis & viscera sicca tabe vsturis) condiantur, vllum inde bonum sperandum conjugium. Quid enim aliud quàm malæ rei pessimam addideris? quâ tamen ad gulæ irritamenta abutuntur piscinarum Tritones, & quibus totus labor in ore suo est. Malè perdit omnia, qui sine Religione miscet *μὴ ὁμοφύλῃ*.

Primi, & adeo recentes homines frugibus, fructibus, & his quas pascua porrigeant carnibus victitantur, minimè piscibus quos ipsa celabat aqua: abstinere similiter qui ab his sapientes merito audire. Ipse hominum caput Christus esuriem: at non *ἰχθυόφας* ieiunando nos docuit; sed & qui omnium primi in secessu, & *μὴ οὐκ ἄρα* penè vltra fasum vivere pij, valdeque Christiani viri, non secus ac olim consultissimi Vlyssis socii, neque hamo, neque retibus vsi sunt, dum farina suppeteret. Postquam verò inclinatis moribus, impetratæque in perniciem tot ciborum veniâ, propè Siculis dapibus instructæ sunt sacrorum, nec satis sic esurialium dierum mensæ. Quo maior hac seculorum lue succreuit luxur, hoc quoque maior incubuit morborum cohors. Quid enim non malorum à piscibus? hos vt accepit ventriculus, quam acrem ferèque vanâ spe victoriæ pugnam cum iis inecat, plus satis renuntiant eius tensio, amarulentum os, sitis permolesta, ructus, flatus, nausea, interdum & vomitus, quo nisi indomitus inquinatusque cibus rejicitur, deportatus tandem ad iecur, ab eoque in venas omnes; mera fit sanies, bonos succos vbique corruptura: inde pisculenti homines, vultuosi & squalidi, qualesque sunt ipsi pisces, pallent, olent, stupent, muti sunt. Inde etiam apoplexie, paralysis, catarrhi, tussis, febres, diarrhææ, arthritides, calculi: quin & corpus impurum pessimisque infectum humoribus contagio quodam spurcas sordes afficiat animæ: quæ perinde ac naus nimio saburræ pondere depressa subsidit, vlginoso quoque alimento grauata *ὀπίσθητος* *ἰχθυὶς*, tumque animi splendor, ac lumen omne perstringitur, princeps pars eius ratio obliteratur, subit obliuio, morsque memoriz.

ELEGANS igitur homo qui in tranquillo valetudinis portu stare semper cupiat *κρεατῶδες ἔστω δὲ ἀπὸ ἰχθύος*: salamenta fossoribus & bajulis, etiam inter densissimos in victu errores cuecticis relinquat, pisces vel *καυαποληγῆς* ipsumque, qui integros bufones deglutit, Lucium non attingat: neque si vmbra plebeia porro betæ pascuntur aut salillum illingunt, iidem vescatur; sed recentibus & scitè delectis carnibus, quibus certè inest quidquid, & ad palati gratiam, & ad succi bonitatem desiderari potest, nempe familiaritate quâdam naturæ, ceterisquedotibus ita nitificè cum corpore nostro consentiunt, vt ob materiæ *ὁμοτιμότητος* facillima sit earum commutatio in chylum sanguinemque laudatissimum, quemlibet largiter ac liberaliter alant, suauissimum præbeant succum, sine pluribus excrementis, qui nullo negotio didatur in singulas corporis partes, hoc luculento & sapido rore, quasi iucundissimo nectare recreandas; atque ex eo calor natiui pensio distinctus, siueque omnino iuris, lustrat vniuersum corpus, excrementa si qua alicubi hæreant, statim exturbat, sanguine purissimo rigat, æquabilitèrque perfundit partes omnes, quæ eo tinctæ florent, & ruborem in niueo candore gerunt, diffundit & quoquo versum lucidos illustresque spiritus, ad omnem actionem alacriter obeundam prælitò vbique futuros. Ipsa denique mens, meliuseculè habito, sicco, & nitente corpore vigeret fulgetque, velut stella nitido cælo. At vide ne quid nimis: ne optimarum cæsarum largitate, hæc præsertim anni sese renouantis infantia multæ contingant aggritudines. Id sanè voluit, & cum naturâ meditata est sancta Mater Ecclesia, vt carnium per aliquot dies abstinentiâ, animæ maculæ cibo potuque contractæ eluerentur, ieiunioque, quod & aliquid habet cathartici, extenuata, & succis insalubribus repurgata corpora, nouis repubescerent. Idcirco verò piscibus venenanda, quò sacra Quadragesimæ beneficium consequamur? Haudquaquam certè: parcis quidem sed & puris victibus expedita corda, infusum melius Deum recipient.

Ergo Carnes Piscibus salubres.



Proponebat Lutetiæ FRANCISCVS DE LA CHAMBRE Senomanus, A. R. S. H. M. DC. LV.